

## **Tusagassiuutilerineq B**

### **1. Ilinniartitsissutip inissimanera**

Tusagassiuutilerinermi sammineqarput assilissat aalasut, kusanartulerinermut, attaveqartarnermut kulturimullu tunngasuni. Ilinniartitsissut assinut aalasunut atuagarsornermik-nalilersuinermik aamma sulinermik-tugassiuutilerinermik pullaveqarneq. Ilinniartitsissummi assit aalasut nalilersornissaannut ilinniartut pisariaqartunik sakkussaqaartinneqalertarput, taamaalilluni paasissutissat sunniinerillu tusagassiuutinik atuisut takusartakkatik misigisinnaaniassammatigit nalilersorlugillu. Ilinniartitsissumi aamma filmi tv-milu tusagassiuutilerinermut atatillugu takutiseriaatsit paasisaqarfigineqartarput.

### **2. . Ilinniartitsissummi siunertat**

#### *Ilisimasat piginnaasallu*

Ilinniartut suliaqarfimmi oqaatsit tunngaviumillu taaguutit ilisimasaqarfigissavat atorsinnaallugillu, taamaalillutik pisuusaartitsinermi piviusunillu takutsinermi taakkulu ataatsimoortinneqartarneranni Kalaallit Nunaanni nunallu tamat akornanni tusagassiornerit nalilersorinnaaniassammatigit, atugassaqaartilertugit nalilerlugillu. Ilinniartut tassunga peqatigitillugu ajornartorsiutit tusagassiuutit arlalipassuartigit uagutsinnut sunniisartut kingunerannik paasisaqassapput ajornartorsiutillu ilaatigit paasillugit.

#### *Ikkagaqartarnermi sulinermilu piginnaasat*

Ilinniartut ilinniartitsissummi sulinerminni, tassunga ilanngullugit suliaqarfimmi teknikikut suleriaatsit atorlugit, assit aalasut atorlugit namminersorlutik assigiinngiiaartumillu oqariartuuteqarsinnaassapput. Ilinniartut aammattaaq Kalaallit Nunaanni tusagassianik suliaqarnermi assigiinngitsorpassuartigit peqataavitsitsilersinnaasunik piginnaasaqalissapput. Ilinniartut tassunga atatillugu ilaatigit ingerlaqqilluni ilinniagaqarnissaq eqqarsaatigalugu suliaqarfimmi nutaanik piginnaasaqalernissamut suliaqarfimmilu nutaanik ilisimasaqalernissamut tunuliaquteqassapput.

#### *Inuttut inuillu akornanni attaveqaqatigiittarnermi piginnaasat*

Ilinniartut suliaqarfimmik tunngaveqarlutik inuit attaveqaqatigiittarneranni suliaqarfimmi piginnaasaqarlutik peqataasinnaassapput aammalu filmi tv-millu peqataallutik, nutaaliorlutik qisuariaateqartarlutillu atuisuussapput.

#### *Kulturikkut inuiaqatigiillu akornanni piginnaasat*

Ilinniartut tusagassiuutit ingerlatsinerannik inuiaqatigiinnilu pingaaruteqassusiannik ilisimasaqassapput, taamaaliornikkut Kalaallit Nunaanni inuiaqatigiinni ineriartornermi namminersorlutik, peqataavillutik ilisimallugulu peqataanissamut tunngavissaqassallutik.

### **3. Ilikkagassatut anguniakkat imarisaalu**

#### **3.1 Ilikkagassatut anguniakkat**

Ilinniartut uku piginnaalissavaat:

*Atuagarsorneq nalilersuinerlu*

- a) filminik tv-milu suliaqarnermik nalilersuinerlut ataqatigiinnit filmiliornermi oqaatsini taaguutit atorsinnaassavaat,
- b) isiginnaagassiornermi periaatsit oqaluttuariaatsillu assigiinngitsut nassuiarsinnaassavaat,
- c) nalilersuariaatsit assigiinngitsut atorsinnaassavaat,
- d) piviusunut, pisuusaartitanut taakkunanngalu akulerutsitsinernut suut ilisarnaataanersut nassuiarsinnaassavaat,
- e) suliaqariaatsit takutitassiallu assigiinngitsut pingaarnerit nassuiarsinnaassavaat,
- f) filminik tv-milu takutitassiornermi pissutsit nalinginnaasut nassuiarsinnaassavaat,
- g) ilinniakkat atassuteqartilersinnaassavaat
- h) filmini tv-milu takutitassiat oqaluttuarisaanermut, kulturikkut inuiaqatiinnullu tunngassuteqartilersinnaassavaat,
- i) takutitassiap ilusilersorneqarnerata tassanilu anguniarneqartut akornanni pissutsit nassuiarsinnaassavaat.

*Suleriaaseq*

- j) immiussinermi aqqqissuinermilu atortut pillugit oqartariaatsit namminersorlutik assigiinngiaartumillu atorsinnaassavaat,
- k) suleqatigiiaarluni takussassialiornissaq pilersaarusiorsinnaassavaat ingerlassinnaallugulu,
- l) tusagassialiornerup ingerlanneqarnerani assigiinngitsunut ataqatigiinnit filmiliornermi oqaatsini taaguutit atorsinnaassavaat,
- m) takusassialernermik suliaqarnermi ingerlaarnerit assigiinngitsut nassuiarsinnaassavaat,
- n) eqikkaalluni takussutissiornerit, manuskriptit storyboardillu suliarisinnaassavaat
- o) piviusunik pisuusaartitanillu takusassialiornermi isiginnaagassiat ilusilersornerat pillugu ilisimasat atorsinnaassavaat
- p) piviusunik pisuusaartitanillu takusassialernik aqqqissuinermi tunngaviit suleriaatsillu atorsinnaassavaat nassuiarsinnaallugillu,

q) takusassiat iliuusaasa imarisaasalu, paasissutissiinermi pissutsit anguniakkallu akornanni pissutsit nassuiarsinnaassavaat aamma

r) takusassiornerup ingerlanneqarnera namminerlu takusassiat nalilersuillutik isummerfigisinnaassavaat.

### **3.2 Ilinniartitsissutip imarisai pingaarnertit**

Ilinniartitsissutip imarisai pingaarnertit ukuupput:

a) filmiliornermi oqaatsini taaguutit,

b) takusassiornermi periaatsit oqaluttuariaatsillu assigiinngitsut,

c) nalilersuariaatsit assigiinngitsut,

d) piviusut, pisuusaartitat taakkulu ataatsimoortinnerisa ilisarnaataat,

e) suliaqariaatsit takusassiallu assigiinngitsut pingaarnertit

f) filmini tv-milu takusassiornermi pissutsit, nunami namminerlu nunallu tamat akornanni,

g) filmit tv-milu tusagassiuutit oqaluttuassartaanni tunngaviumik pissutsit

h) takusassiornermik aqqissuussineq, tassunga ilanngullugit eqikkaalluni takussutissiorneq, manuskriptit storyboardillu,

i) immiussinerlu tunngaviit immiusseriaatsillu,

j) aqqissuussinerlu tunngaviit aqqissuusseriaatsillu aamma

k) attaveqaqatigiittarnermi pissutsit ingerlatitseqqiinerlu.

### **3.3 Illassutitut ilinniakkat**

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat. Illassutitut ilinniakkat pingaarnertut ilinniakkat atassuteqartilissavaat itisilerlugillu, suliaqarfimmilu paasisat annertusarlugit, ilinniartut taamaalillutik ilikkagassatut anguniakkat angusinnaaniassammatigit. Oqaluttuarisaanermi, kulturimi inuiaqatigiinni suliaqariaatsinilu pissutsit ilinniartitsinerlu ilanngunneqassapput. Illassutitut ilinniakkat pingaarnertut ilinniakkatulli Kalaallit Nunaanni nunanilu tamani pissutsinut sapinngisamik annertunerpaamik atassuteqartinneqassapput.

## **4. Aaqqissuussineq**

### **4.1 Ilinniartitseriaatsimi periutsit**

yy) Ilinniartitsinerne ilinniartut ilinniakkani qaffasissusiat ilisimasaallu aallaavigineqassapput.

zz) Ilinniartitsineq imatut aaqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu.

aaa) Ilinniartitsineq imatut aaqqissuunneqassaaq ilinniartitseriaatsit assigiinngitsut paarlakaajanneqassallutik.

bbb) Ilinniartitsineq imatut aaqqissuunneqassaaq ilinniartut soqutigisaat pisariaqartitaallu isiginarneqassallutik, taamaalilluni ilinniartut ilinniartitsissutip

pissanganartuuneranik, naleqquttuuneranik soqutiginarartuuneranillu misigisaqarnissamut periarfissinneqassallutik.

ccc) Ilinniartitsineq imatut aaqqissuunneqassaaq ilinniagaqarnerup ingerlanneqarnerani sammisanilu ineriartortitsinerne ilinniartitsissut siuariarfiussalluni, tassa ilinniartitsissummi oqaatsit oqariartaatsillu ineriartorfiussallutik, taamaalilluni ilinniartut namminneerlutik suleriaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.

ddd) ilinniartitsineq imatut aaqqissuunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Tusagassiuutilerinerne ilinniartitseriaatsimi periutsini pingaaruteqarpoq atuagarsorluni-nalilersuilluni ilinniartitsinerup aamma sulinerne-takusassiornerne, illuatungaanullu, ilanngunnissaa. Ilinniartitsissummi ilinniakkat ataatsimoortut misiginissaat pingartinneqarpoq. Atuagarsorluni-nalilersuilluni ilinniartitsinerne atattillugu ilinniartitsissummi oqartariaatsit taaguutillu allat takusassiornerne atornerqartartut ilanngunneqassapput. Takusassiornerup ingerlanneqarnerane atattillugu sulinerne nalilersuinerne nuunneqarsinnaasunik arlalinnik misilittagaqartoqalersarpoq.

Ilinniartitsissummi ilinniartitseriaatsimiippoq pisunit ataasiakkaanit eqqarsartariaatsip aamma atuagarsornerup akornanni nikerartitsisoqartassasoq, taamaalilluni ilinniartitsineq atuagarsorluni-nalilersuilluni sulinerup aamma sulinerup-takusassiornerup akornanni assigiimmik agguarlugu aaqqissuunneqassalluni.

### **4.2 Suleriaatsit**

Ilinniartut nalilersuinerne, nutaaliorerne, attaveqatigiinnerne inuillu akornanni attaveqatigiittarneranni piginnaasaat ineriartortinniarlugit ilinniartitseriaatsit assigiinngitsut atornerqarneqassapput tassa suliniutinik suleqatigiilluni suliaqarnermiit klassimi ilinniartitsinerne.

Atuagarsorluni-nalilersuilluni sulinermi filminik tv-milu takusassianik takutsineq tunngavigineqassapput. Aallartinnermi ilinniartitsisup ilitsersuineratigut ilinniartitsissummi taaguutinik suleriaatsinillu ilinniartut paasisimasaqartilerniarlugit issuaanerit aamma shot-to-shot-imik nalilersuinerit suliarineqassapput. Tamassuma kingorna isiginnaartitsinerit immikkoortui pisulluunnit ataasiakkaat qanimut nalilersorneqassapput, tassani ilinniartut nalilersuinermi peqataajartuaartinneqassallutik. Kingusinnerusukkut nalilersueriaatsit suleriaatsillu ajornakusoorerit ilinniartut nammineeelutik tapiissutaat pingaartillugit takusassiat ilivitsut suliarineqassapput.

Ilinniartut assigiinngiarnerat, taakku ilikkariaasiat pisariaqartitaallu isiginiarneqassapput. Ilinniartut ilinniartitsissummi oqaatsinik siulliullugu oqaasillit aappaattullu oqaatsit isiginiarneqassapput.

Suliaqarluni sulinerit suleqatigiiaartitsilluni suliniutinillu suliaqarnertut ingerlanneqassapput, aammalu ilinniartitsisup ilitsersuineratigut takusassianik ajornanngitsunik naatsunik sungiusarnernik aallarniisoqassalluni. Tamassuma kingorna sungiusaatit takinerulaartut suliarineqassapput, tassani ilinniartut ingerlatsinerup ilaani annertuumi akisussaajartortinneqassallutik. Takusassiat nammineeeluni suliaqartoqartalertassaaq, tassani ilinniartitsisooq ilitsuersuisuussalluni siunnersuisuussallunilu, tassani ilinniartut ataasiakkaat ilinniartitsissummi misilitsinnermi atugassamik takusassiamik suliaqassapput.

Eqikkaalluni takussutissianik storyboardinillu suliaqarnermut allattariarsorluni suliaqarnermut atatillugu siuariartortitsiniartoqassaaq suleqatigiissitsiniartoqassallunilu. Suliffeqarfinnut suliaqarfinnullu filminik tv-milu takusassioortartunut pulaarneq ilinniartitsissummi ingerlatat ilagilluarsinnaavaat.

IT ilinniartitsissummi qitiusumik inissisimavoq, suliaqarnermut atuagarsornermullu atatillugu. Atuagarsornermik-nalilersuinermik suliaqarnermi paasisutissanik suliaqarfimmi ilinniakkanik ujarlernerimi, saqqummiinerimi ingerlatitseqqiinermilu IT atorneqassaaq. Takusassiassanik suliaqarnermi oqaasertanik suliaqarnermi takusassiassanik suliaqalinnginnermi paasisutissanik ujarlernerimi aammalu takusassiat suliarereerneranni digitalimik aqqissuussinnermi IT atorneqassaaq.

### **4.3 Ilinniartitsissummi oqaatsit**

Ilinniartitsineq imatut aqqissuunneqassaaq ilinniartut ilinniartitsissummi oqaatsinik aammalu ilinniartitsissummi oqariaatsinik paasinnittarnerat atuisarnerallu aqqissuussamik ineriartortinneqarluni. Ilinniartitsineq imatut aqqissuunneqassaaq ilinniartitsissutit siulianni oqaatsinik oqariaatsinillu ilinniartut piffissap ingerlanerani paasinnilluarsinnaatikkiartortillugit atuisinnaallu artikkiartortillugillu.

### **4.4. Ilinniartitsissutitut allanut atassuteqartitsineq**

Ilinniartitsissummi anguniakkat ilinniartut angusinnaaniassamatigut ilinniartitsissutit ilinniartitsissutillu immikkoortui allat suleqatigiissutiginneqassapput. Pingaarnertut ilinniakkat ilassutitullu ilinniakkat ilaat imatut toqqarneqassapput suliarineqarlutillu ilinniakkat sammivianni suliaqarfimmut ataqatigiissitsineq nukittorsarneqarluni, tassani oqaluttuarisaanermut kulturimut, inuiaqatigiinnut kusanartuliornermullu tunngasut ilanngunneqassallutik.

## **5. 5. Nalilersuineq**

### **5.1 Ingerlaavartumik nalilersuisarneq**

Ilinniartut killiffiannik ilinniartitsinermillu ingerlaavartumik nalilersuineri ilikkagassatut siunertat tunngaviupput.

Atuagarsorluni-nalilersuilluni ilinniarneq aamma ilinniartitseriaatsit suleriaatsillu ilinniakkanik ingerlatsinernut ataasiakkaanut naleqqussakkanik apeqqutinik akisilluni immersugassat, misilitsinnerit oqaloqatigiinnerilluunniit atorpeqassapput. Tamanna aqutugalugu ingerlaavartumik nalilersuineq ilinniartut ilinniartitsissummi ineriartornerminnik qisuariartittarnissaannut tapersiissaaq.

Takussutissanik suliaqarnerit tamarmik holdimut/klassimut tamarmiusumut takusassianik ataatsimut takutitsinermik naggaserneqartassapput. Tamassuma kingorna takusassiat nalilersorneqartassapput, taamaalilluni suleqatigiit ataasiakkaat ilinniartitsisorlu ataatsimoorlutik takusassianik tamarmiusunik nalilersuineri peqataassallutik. Aammattaaq suleqatigiit ataasiakkaat ilinniartitsisoq peqatigalugu namminneq takusassiornermik ingerlatsinerminnik nalilersuisassapput. Ilinniartitsissutit akornanni ingerlatsinermi ataatsimut aqqissuineri nalilersueriatsimik toqqaaneq ilaavoq.

### **5.2. Misilitseriaatsit**

Suleqatigiinnik oqaluttariarsorluni misitsittoqassaaq taannalu immikkoortunik marlunnik imaqarpoq tulleriillugit ingerlanneqartussat.

Immikkoortumi siullermi soraarummeertup tusagassiuutinut takusassiaa kingulleq, takuuk immikkoortoq 4.2, tunngavigineqassaaq, tassani soraarummeertup takusassiami immikkoortut pingarnerit nassuiassallugit oqallisigissallugillu, aammalu soraarummeertup takusassiaa pillugu soraarummeertup soraarummeertitsisullu akornanni itisiliilluni oqaloqatigiittoqassalluni.

Immikkoortup aappaa tassaavoq atuagarsornermi-nalilersuineri ilikkagassatut anguniakkanik misilitsinneq, takuuk immikkoortoq 3.1, aammalu filmimik tv-milu takusassiamik issuakkamik siusinnerusukkut misissorsimangisamik imalik suliassaq tunngaviussalluni. Issuagaq annerpaamik minutsinik arfineq marlunnik sivilissuseqassaaq aammalu filmimut tv-milu tusassiaq pillugu ilinniartitsinermi atuagarsornermik-nalilersuineri immikkoortumi suliamut atassuteqassalluni. Issuagaq malitseqartinneqassaaq tunngavigisanik pisariaqartunik immaqalu najoqqutassiilluni apeqqutinik imaqassaaq. Soraarummeertup issuakkami immikkoortunik pingarnernik saqqummiisinaassusia atassuteqartitsisinaassusialu misilinneqassapput.

Piffissaq piareersarfissaq tamarmi minutsit 45-it missaaniissaaq, piffissarlu soraarummeerfik soraarummeertumut ataatsimut minutsit 45-t missaanissalluni. Immikkoortumi siullermi 232

piffissaq soraarummeerfik soraarummertumut ataatsimut minutsit 15-it missaaniissapput immikkoortullu aappaani soraarummeertumut ataatsimut minutsit 30-t missaaniissalluni.

*Imminnut ilinniartittut*

Imminnut ilinniartittut videomik takusassiaq aaqqissugaq minutsinnik 5-10 minutsinik sivilissusilik tusagassiutini takusassiornermik soraarummeernermi aallaavittut saqqummiutissavaat. Soraarummeernerup taassuma misilissinnermi immikkoortoq siulleq taarsissava. Misilissinnermi immikkoortup appaani atugarsornermi nalilersuinermilu atuagarsorluni ilinniakkat minnerpaamik pingasut oqaatigineqassapput. Filmit elektroniskingorlugulu tusagassiutit oqaatigisani ilaassapput. Atuagarsorluni ingerlatsinermut tusagassiutinut takusassiap saniatigut oqaasertat minnerpaamik quppinnerit 100-nik annertussuseqartut saqqummiunneqassapput.

### 5.3. Nalilersuinermi tunngaviit

Nalilersuinermi soraarummeertup ilinniartitsissummi anguniakkanik qanoq annertutigisumik angusinera tunngavigalugu nalilersuisoqassaaq. Misilissinerup immikkoortuani siullermi nalilersuinermi uku pingaartinneqassapput:

- a) soraarummeertup takusassiami immikkoortunik pingaarnernik nassuiaasinnaassusia,
- b) takusassiap assitaata nipaatalu aaqqissuunnerata ajornassusia eqqussusialu,
- c) takusassiap siunertaata, imarisaata, isikkulersornerata anguniakkallu imminnut atanerat,
- d) filmiliornermi oqaatsit atorlugu sunniutissanik aamma pissanganartulionermik oqaluttuarnermillu soraarummeertup toqqaanerninik nassuiaanermini tunngavilersuiner oqallisiginninneralu,
- e) ingerlatitseqqiinermi immikkoortunik soraarummeertup nassuiaasinnaassusia aamma
- f) soraarummeerup nammineq takusassiamik takusassiamillu suliaqarnerminik nalilersuilluni-qisuariaateqarluni isummersinnaassusia.

Misilissinnerup aappaanik nalilersuinermi soraarummeertup ukunnga piginnaasai nalilersuinermi pingaartinneqassapput:

- a) issuakkami suliassamiittumi immikkoortuni pingaarutilinnik saqqummiisinnaassusia
- b) filmiliornermi oqaatsini sunniuteqartartut atornerannik nassuiaanera,
- c) pissanganartuliornermi, oqaluttuarnermi takusassioriaatsimilu immikkoortumi pissutsinik nassuiaanera,
- d) ilinniarnikuusanut atassuteqartitsinera aamma
- e) takusassiornermi, inuiaqatigiinni oqaluttuarisaanermilu pissutsinut atassuteqartitsinera.

Misilissinnerup immikkoortuani siullermi aappaanilu ataatsimut nalilersuineq tunngavigalugu karakteriliisoqassaaq.